



**Fondacija tuzlanske zajednice**

**Vitalni znaci 2015/2016**

**Konsultacije sa građanima**

**Razgovor sa članovima mjesnih zajednica na području općine Živinice**



## Pozadina

Početakom 2016. godine Fondacija tuzlanske zajednice je okviru istraživanja kvalitete življenja “Vitalni znaci 2015/2016” održala niz konsultacija sa građanima fokusiranih na izgradnju bolje zajednice kroz identifikaciju stanja u lokalnoj zajednici i jačanje individualnog osjećaja odgovornosti (pripadnosti) pojedinaca za stanje u lokalnoj zajednici.

Sve fokus grupe u okviru konsultacija počele su kratkim prezentacijama istraživanja i tema za diskusiju, nakon čega su građani ocjenili svaku oblast istraživanja o kvaliteti življenja, te kroz rad u malim grupama, prezentaciju i diskusiju iznosili svoje mišljenje. Dobiveni rezultati razgovora sa građanima pomogli su Fondaciji da ispita subjektivni osjećaj kvaliteta življenja i zajedno sa građanima identifikuje prilike za djelovanje unutar lokalne zajednice.

Konsultacije sa građanima su u periodu mart - april, održane u saradnji sa članicama Mreže aktivnih zajednica, pri čemu su dvije fokus grupe održane ciljano sa ranjivim kategorijama u društvu, sa ženama i mladima.

## Forma diskusije

Diskusije sa građanima fascilitirane su od strane FTZ tima koji je vodio učesnike kroz tri pitanja, osiguravajući prostor za učešće za diskusiju i doprinos svih učesnika. Tri pitanja na kojima se fokusirala diskusija su :

1. Kada razmišljate o vašoj zajednici, kako izgleda zdrava, vitalna zajednica?
2. Šta je dobro u vašoj zajednici? Šta funkcioniše?
3. Šta se može popraviti u vašoj zajednici?

Kao dodatak diskusiji građani su pozvani da na post itima napišu kako oni lično mogu i žele doprinijeti izgradnji bolje zajednice.

## Ocijeni vitalnost svoje zajednice!

Diskusije sa građanima fascilitirane su od strane FTZ tima koji je vodio učesnike kroz 12 oblasti istraživanja. Građanima su ukratko objašnjene oblasti istraživanja o kvaliteti življenja, te za svaku oblast su im predstavljeni dijelovi preliminarnih rezultata koje smo dobili statističkom analizom i koji se odnose na područje Tuzlanskog kantona. Kratkim opisom konteksta za svaku pojedinačnu oblast će pomoći u razmišljanju i davanju ocjene stanja za svaku navedenu oblast.

Naime, u okviru istraživanja tokom aprila 2016. godine, građani TK su imali priliku dati svoju subjektivnu ocjenu stanja u zajednici putem upitnika koji je bio istaknut na internet portalima u gradovima na području TK.

Upitnik je tražio od građana da uzmu u razmatranje i dobre i loše pokazatelje unutar svake oblasti, te da daju generalnu ocjenu stanja u svojoj zajednici. Za svaku oblast u upitniku je ponuđeno nekoliko osnovnih, preliminarnih podataka koji govore ponešto o stanju u navedenim oblastima.

Učesnicima diskusije podijeljene su kartice sa označenim vrijednostima iz upitnika, a nakon što je prezentovana svaka pojedinačna oblast, dizanjem iste učesnici su ocjenjivali vitalnost svoje zajednice.

Tokom diskusije o oblastima istraživanja učesnici su imali priliku dati generalnu ocjenu stanja u svojoj zajednici.



**Datum: 31. mart 2016.**

**Oblasti za diskusiju: Jaz između bogatih i siromašnih, te Lokalna mobilnost**

**U saradnji sa: Mreža aktivnih zajednica i općina Živinice**

**Lokacija: Općina Živinice (sala općinskog vijeća)**

**Broj učesnika: 13**

## **Sažetak diskusije:**

Zbog značaja ovih tema i interesa koji za njih vlada u zajednici, diskusija je urađena sa zajednicama općine Živinice koje su članice Mreže aktivnih zajednica, kao i sa zajednicama koje nisu u Mreži aktivnih zajednica, što je omogućilo raznolikost prisustva predstavnika iz 11 različitih mjesnih zajednica (MZ Zelenika, Šahići, Litve, Đurđevik, G. Višća, Šišići, G. Živinice, Šerići, Rudar, Priluk i G. Lukavica).

S obzirom da su učesnici predstavljali različite tipove lokalnih zajednica koje se suočavaju sa različitim potrebama i izazovima u izgradnji bolje zajednice, tokom diskusije istaknute su određene razlike u trenutnom stanju i težištima za napredak. Nakon što je predstavnicima mjesnih zajednica predstavljena svaka od oblasti istraživanja, ocijenili su svaku oblast po subjektivnom nahođenju, te se detaljnije raspravljalo o dvije oblasti istraživanja "Lokalna mobilnost" i "Jaz između bogatih i siromašnih".

Svi učesnici su se složili da je oblast "Rad i zapošljavanje zabrinjavajuća", te da situacija zahtijeva ozbiljnu društvenu reakciju, kao i u većini gradova koji su uključeni u ovo istraživanje. "Jaz između bogatih i siromašnih" je oblast koja obuhvata uglavnom sve oblasti istraživanja, a da bi forumi bili raznovrsni i konsultacije sa građanima bile zanimljivije, te dale širok spektar rezultata odabrali smo ovu oblast za diskusiju u općini Živinice.

S druge strane tokom diskusije građani su se usaglasili da je oblast "Lokalna mobilnost" zadovoljavajuća, te je potrebno uložiti napor da se situacija održi ili poboljša. Kada govorimo o ovoj oblasti građani su se izjasnili da "zdrava", "vitalna" zajednica u svakom momentu treba da ima dostupan prevoz kao što su: taxi prevoz, autobus i voz. Zatim uređen odvoz smeća, kao i konkurentnost na polju transporta što obuhvata veći broj prevoznika. "Zdravu" i "vitalnu" zajednicu građani Živinica vide i kao zajednicu u kojoj su uređene pješačke i biciklističke staze.

Građani Živinica iz svih lokalnih zajednica su se složili da treba poboljšati lokalne puteve, te asfaltirati prigradske puteve u zajednicama gdje to nije slučaj. Također je potrebna konkurencija u izvršavanju transportnih usluga u svim zajednicama, ali je isto tako važno da domaćinstva u zajednicama plaćaju odvoz smeća kako bi se održala zaštita okoliša. Što se tiče mjesnih zajednica, veoma je bitna dobra komunikacija sa općinom i potrebno je da općinske vlasti redovno posjećuju mjesne zajednice kako bi se ukazalo na njihove potrebe u zajednici.

Oblast "Jaz između bogatih i siromašnih" je ocijenjena od strane predstavnika lokalnih zajednica kao zadovoljavajuća, te je potrebno da se situacija održi ili poboljša. U Živinicama su građani u većini slučajeva mladi i poduzetni, te traže način kako da iskoriste svoje prilike. U prigradskim naseljima je infrastruktura zanemarena potrebno ju je poboljšati, te sredstva namijenjena mjesnim zajednicama treba ulagati prema urađenim planovima ulaganja u zajednicu.

Ono što dobro funkcioniše u Živinicama i njenim zajednicama je uključivanje građana u inicijative, posebno su motivisani za ulaganje lokalnih puteva. U većini slučajeva imaju riješeno vodosnabdijevanje, putevi su zadovoljavajući, infrastruktura je poprilično dobra, a zrak je čist uglavnom zbog borovine koja preovladava u ovom kraju.



## Jaz između bogatih i siromašnih

### Građani su rekli

1. Kada razmišljate o navedenoj oblasti, **kako izgleda „zdrava“, „vitalna“ zajednica?**
2. Kada razmišljate o navedenoj oblasti, **šta dobro funkcioniše u vašoj zajednici?**
  - „Građani su poduzetni, mladi i traže posao“
3. Kada razmišljate o navedenoj oblasti, **šta se može poboljšati u zajednici?**
  - „Potrebna obdaništa za djecu u mjesnim zajednicama, a ne samo u gradu“
  - „Koncesije koje su date velikim privrednicima, vratiti zajednicama gdje su koncesije ostvarene“
  - „Infrastruktura u prigradskim područjima zanemarena“
  - „Sredstva ulagati prema planu u svim mjesnim zajednicama“

## Lokalna mobilnost

### Građani su rekli

#### Kako izgleda „zdrava“, „vitalna“ zajednica?

- „U svakom momentu dostupan prevoz taxi, autobus i voz“
- „Uređen odvoz smeća“
- „Više prevoznika – konkurentnost“
- „Uređene pješačke i biciklističke staze u lokalnim zajednicama“

#### Šta dobro funkcioniše u vašoj zajednici?

- „Riješena vodovodna mreža, ali može bolje“
- „Puno se ulaže na lokalne puteve“
- „Zadovoljavajući putevi“
- „Dobro uključivanje građana, motivacija za ulaganje u lokalne puteve“
- „Dobar čist zrak (borovina)“
- „Biciklistička staza koju treba malo poboljšati“
- „Dobra rasvjeta u nekim lokalnim zajednicama“

#### Šta se može poboljšati u zajednici?

- „Treba poboljšati lokalne puteve“
- „Treba asfaltirati prigradske puteve“
- „Potrebna dodatna agencija za prevoz u prigradskim zajednicama (nedostatak konkurencije)“
- „Poboljšati signalizaciju na regionalnom putu“
- „Svako domaćinstvo treba plaćati taksu za odvoz smeća, time bi se poboljšalo i zapošljavanje“
- „Bolja komunikacija i redovan obilazak MZ-ova“




## Šta ja mogu uraditi da dopinesem izgradnji zdravije i bolje zajednice?

- “Inicirati završetak regionalnog puta kroz MZ”
- “Uraditi aktivnosti oko odvoza smeća”
- “Pomoći pri organizaciji na prikupljanju sredstava teško oboljelog djeteta”
- “Pomoći organizaciono pri realizaciji projekata infrastrukture”
- “Planiranje da se radi nešto po izgradnji pješačke staze”
- “Pokušati raditi oko zaposlenosti mladih ljudi na prostorima naše MZ”
- “Asfaltirati lokalne puteve”
- “Poboljšati vodovod”
- “Mobilisati građane na aktivnostima oko očuvanja okoliša i briga za građane i stare osobe”
- “Lično ću se zalagati da uredim centar MZ i asfaltiram dio puta u MZ Đurđevik”
- “Lično ću učestvovati u akciji proširenja adaptacije ambulante porodične medicine”
- “Pokazati primjerom i odnosom prema okolini (akcija čišćenja rječice i uređenjem korita)”
- “Pomoći onima kojima je potrebna pomoć”
- “Podstaći mlade na akcije i bitnost angažmana za dobrobit zajednice”
- “Savjeti mladima da ne odlaze iz lokalne zajednice”
- “Čišćenje vodotoka i vodozaštitnih zona”
- “Pomoći socijano ugroženim, bolesnim i iznemoglim osobama”
- “Bezbjedan prelaz djece u školu”
- “Savjeti mladima za bolji život”
- “Izvršiti preuređenje Doma kulture”
- “Riješiti vodosnabdijevanje”
- “Uklanjanje smeća i odvoz istog na deponiju”
- “Kanalizaciona mreža Ciljuge II, MZ Rudar Živinice odvoženje fekalnih voda”
- “Zamjena broja u MZ Rudar”
- “Pokušati aktivirati određene ljude i institucije za poboljšanje svih ovih oblasti o kojima je vođena diskusija i svojim volonterizmom i dalje raditi u svojoj MZ –ci”



**Subjektivni osjećaj građana**  
 Loše, potrebno je odmah reagovati  
 Zadovoljavajuće, potrebno je održati i poboljšati stanje





## Vitalni znaci-ocjena vitalnosti

### Živinice

	1 - Loše, potrebno je odmah reagovati	2 - Zadovoljavajuće, potrebno je održati ili poboljšati stanje	3 - Odlično, možemo biti uzor drugima.
Zdravlje i rekreacija	1,20		
Stanovanje		1,88	
Jaz između bogatih i siromašnih	1,40		
Obrazovanje i perspektive za cjeloživotno učenje		1,52	
Osjećaj sigurnosti		1,60	
Mogućnosti za početak	1,35		
Kultura i umjetnost	1,31		
Životna sredina	1,31		
Rad i zapošljavanje	1,00		
Pripadnost i vodstvo		1,73	
Lokalna mobilnost		1,69	
Ekonomija i poduzetništvo		1,50	

1 - Loše, potrebno je odmah reagovati (Do 1,5)

2 - Zadovoljavajuće, potrebno je održati ili poboljšati stanje (1,5 - 2,5)

3 - Odlično, možemo biti uzor drugima. (Preko 2,5)